



«13» հունիսի 2022թ.

ք. Վանաձոր

ՈՐՈՇՈՒՄ 0007

**«ԲԱԴԱ ԲՈՒՄ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՏՆՕՐԵՆ ՀԵՂԻՆԵ ՄԱՏԻՆՅԱՆԻ ՆԿԱՏՄԱՄԲ ՈՐՊԵՍ ՀԱՐԿԱԴՐԱՆՔԻ ՄԻՋՈՑ՝
ՏՈՒԳԱՆՔ ՆՇԱՆԱԿԵԼՈՒ ՄԱՍԻՆ**

ՀՀ առողջապահական և աշխատանքի տեսչական մարմնի հյուսիսային տարածքային կենտրոնի պետ Արման Ոսկանյանս, ուսումնասիրելով.

- 1) ՀՀ առողջապահական և աշխատանքի տեսչական մարմնի ղեկավարի 2021 թվականի մարտի 17-ի թիվ 0092 կարգադրագիրը (այսուհետ նաև՝ Կարգադրագիր),
- 2) Կարգադրագրի պահանջների կատարված լինելը պարզելու նպատակով ՀՀ առողջապահական և աշխատանքի տեսչական մարմնի ղեկավարի 2021 թվականի օգոստոսի 5-ի թիվ ՎՎ-0658-Ա հրամանով հարուցված վարչական վարույթը,
- 3) վարչական վարույթ հարուցելու և լսմանը մանսակցելու մասին 2021 թվականի օգոստոսի 5-ի թիվ 17/10351-2021 ծանուցումը,
- 4) 2021 թվականի օգոստոսի 19-ի, հոկտեմբերի 19-ի, 2022 թվականի փետրվարի 09-ի և հունիսի 03-ի զննման արձանագրությունները,
- 5) ՀՀ առողջապահական և աշխատանքի տեսչական մարմնի հյուսիսային տարածքային կենտրոնի 2022 թվականի փետրվարի 28-ի թիվ 17/3486-2022 նախազգուշացում տալու մասին գրությունը,
- 6) 2022 թվականի հունիսի 09-ի լսման արձանագրությունը,
- 7) ՀՀ առողջապահական և աշխատանքի տեսչական մարմնի ղեկավարի 2022 թվականի մայիսի 18-ի թիվ 474-Ա զննում իրականացնելու մասին հրամանը և 2022 թվականի մայիսի 18-ի թիվ 01/8568-2022 ծանուցումը,



Պարզեցի

ՀՀ առողջապահական և աշխատանքի տեսչական մարմնում (այսուհետ՝ Տեսչական մարմին) 2021 թվականի փետրվարի 15-ին հարուցված թիվ Վ/Դ-023 վարչական վարույթի արդյունքում արձանագրված խախտումները վերացնելու նպատակով «ՍԿԱՅ-ՔԼԻՆԻԿ» սահմանափակ պատասխանատվությամբ ընկերությանը՝ ի դեմս տնօրեն Նարե Խաչատրյանի տրվել է Տեսչական մարմնի ղեկավարի 2021 թվականի մարտի 17-ի թիվ 0092 կարգադրագիրը, որի համաձայն կարգադրագիրը ստանալու օրվանից 15 օրվա ընթացքում անհրաժեշտ էր ՀՀ, Տավուշի մարզ, համայնք Այրում, Բարեկամության 26/6 հասցեի բնակչուհի Անուշ Հախվերդյանին վճարել 2020 թվականի դեկտեմբեր ամսվա աշխատավարձը 68776 (վաթսունութ հազար յոթ հարյուր յոթանասունվեց) ՀՀ դրամ, աշխատավարձի 47 օր ուշացման համար տուժանք 4849 (չորս հազար ութ հարյուր քառասունինը) ՀՀ դրամ, 2021 թվականի հունվար ամսվա աշխատավարձը 68170 (վաթսունութ հազար մեկ հարյուր յոթանասուն) ՀՀ դրամ, աշխատավարձի 16 օր ուշացման համար տուժանք 1636 (մեկ հազար վեց հարյուր երեսունվեց) ՀՀ դրամ, ընդամենը՝ 143431 (մեկ հարյուր քառասուներեք հազար չորս հարյուր երեսունմեկ) ՀՀ դրամ:

«ՍԿԱՅ-ՔԼԻՆԻԿ» սահմանափակ պատասխանատվությամբ ընկերության՝ ի դեմս տնօրեն Նարե Խաչատրյանի, կողմից մինչև 2021 թվականի ապրիլի 2-ը Տեսչական մարմնին գրավոր չի տեղեկացվել Կարգադրագրով տրված առաջադրանքների պահանջները կատարելու վերաբերյալ:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասը, հարուցված վարչական վարույթի շրջանակներում Իջևանի և Էջմիածնի բաժնի մասնագետների կողմից 2021 թվականի օգոստոսի 19-ին և հոկտեմբերի 19-ին, 2022 թվականի փետրվարի 09-ին և հունիսի 03-ին «ԲԱԴԱ ԲՈՒՄ» սահմանափակ պատասխանատվությամբ ընկերությունում («ՍԿԱՅ-ՔԼԻՆԻԿ» սահմանափակ պատասխանատվությամբ ընկերությունը 2021 թվականի մայիսի 18-ից վերանվանված է «ԲԱԴԱ ԲՈՒՄ» սահմանափակ պատասխանատվությամբ ընկերության (ՀՎՀՀ 04426729))՝ ՀՀ, Արմավիրի մարզ, համայնք Այգեկ, Երևանյան խճուղի տուն 4 հասցեում, իրականացվել են զննումներ:

Զննումների արդյունքում պարզվել է, որ 2021 թվականի մարտի 17-ի թիվ 0092 կարգադրագրով տրված առաջադրանքները չեն կատարվել՝ «ԲԱԴԱ ԲՈՒՄ» սահմանափակ պատասխանատվությամբ ընկերության տնօրեն Հեղինե Մատինյանի կողմից չներկայացվեցին փաստաթղթեր, որոնք կհավաստեն ՀՀ, Տավուշի մարզ, համայնք Այրում, Բարեկամության 26/6 հասցեի բնակչուհի Անուշ Հախվերդյանին վճարում կատարելու փաստը. չի վճարվել 2020 թվականի դեկտեմբեր ամսվա աշխատավարձը 68776 (վաթսունութ հազար յոթ հարյուր յոթանասունվեց) ՀՀ դրամ, աշխատավարձի 47 օր ուշացման համար տուժանք 4849 (չորս հազար ութ հարյուր քառասունինը) ՀՀ դրամ, 2021 թվականի հունվար ամսվա աշխատավարձը 68170 (վաթսունութ հազար մեկ հարյուր յոթանասուն) ՀՀ դրամ, աշխատավարձի 16 օր ուշացման համար տուժանք 1636 (մեկ հազար վեց հարյուր երեսունվեց) ՀՀ դրամ, ընդամենը՝ 143431 (մեկ հարյուր քառասուներեք հազար չորս հարյուր երեսունմեկ) ՀՀ դրամ, որով խախտվել են ՀՀ աշխատանքային օրենսգրքի 192-րդ հոդվածի 1-ին մասով և 198-րդ հոդվածի 1-ին մասով սահմանված պահանջները, հիմք՝ 2021 թվականի օգոստոսի 19-ի և հոկտեմբերի 19-ի, 2022 թվականի փետրվարի 09-ի և հունիսի 03-ի զննման արձանագրությունները:

Վարչական վարույթի արդյունքում պարզվել է, որ Տեսչական մարմնի կողմից տրված 2021 թվականի մարտի 17-ի թիվ 0092 կարգադրագրի պահանջները «ՍԿԱՅ-ՔԼԻՆԻԿ» սահմանափակ պատասխանատվությամբ ընկերության իրավահաջորդ «ԲԱԴԱ ԲՈՒՄ» սահմանափակ պատասխանատվությամբ ընկերության տնօրեն Հեղինե Մատինյանի կողմից չեն կատարվել:

«ԲԱԴԱ ԲՈՒՄ» սահմանափակ պատասխանատվությամբ ընկերության տնօրեն Հեղինե Մատինյանին գրությամբ պատշաճ կարգով ծանուցվել է Կարգադրագրով տրված առաջադրանքները սահմանված ժամկետում կատարելու վերաբերյալ և 2022 թվականի փետրվարի 28-ի թիվ 17/3486-2022 գրությամբ նախազգուշացվել է Կարգադրագրով տրված առաջադրանքները չկատարելու հետևանքով վարչական հարկադրանքի միջոց՝ տուգանք 250000 (երկու հարյուր հիսուն հազար) ՀՀ դրամ կիրառվելու մասին:

Պարճառաքանական մաս



«Վարչարարության հիմունքների և վարչական վարույթի մասին» ՀՀ օրենքի 78-րդ հոդվածի համաձայն՝ վարչական հարկադրանքը.

1. Որևէ գործողություն կատարելուն կամ որևէ գործողության կատարումից ձեռնպահ մնալուն ուղղված վարչական ակտը կարող է հարկադրաբար ի կատար ածվել սույն հոդվածի 2-րդ մասով նախատեսված հարկադրանքի միջոցների կիրառմամբ:

2. Հարկադրանքի միջոցներն են՝

ա) գործողությունն այլ անձի կողմից կատարելը (փոխարինող գործողություն).

բ) տուգանքը.

գ) անմիջական հարկադրանքը:

3. Հարկադրանքի միջոցը պետք է համաչափ լինի դրա նպատակին: Հարկադրանքի միջոցը պետք է ընտրվի այնպես, որպեսզի պարտավոր անձի և հանրության վնասները հասցվեն նվազագույնի:

«Վարչարարության հիմունքների և վարչական վարույթի մասին» ՀՀ օրենքի 82-րդ հոդվածի 3-րդ մասի համաձայն՝ սույն հոդվածով նախատեսված դեպքերում տուգանք կարող է նշանակվել նվազագույն աշխատավարձի հիսնապատիկից մինչև հինգհարյուրապատիկի չափով:

«Վարչարարության հիմունքների և վարչական վարույթի մասին» ՀՀ օրենքի 79-րդ հոդվածի համաձայն՝ պարտավոր անձը որոշակի գործողություն կատարելու կամ որևէ գործողություն կատարելուց ձեռնպահ մնալու վերաբերյալ ընդունված վարչական ակտի հասցեատերն է:

Սույն հոդվածի իմաստով պարտավոր անձ է համարվում «ԲԱԴԱ ԲՈՒՄ» սահմանափակ պատասխանատվությամբ ընկերության տնօրեն Հեղինե Մատինյանը (անձնագիր՝ AR0507024, տրված 12.11.2017թ. 057-ի կողմից):

«Վարչարարության հիմունքների և վարչական վարույթի մասին» ՀՀ օրենքի 85-րդ հոդվածի համաձայն՝ հարկադրանքի միջոցները նշանակվում են այդ միջոցների կիրառման մասին նախազգուշացմամբ սահմանված ժամկետում պարտավոր անձի կողմից համապատասխան պարտականությունը չկատարվելու դեպքում:

109

Ուսումնասիրելով գործում առկա փաստական հանգամանքները և դրանք համադրելով գործող օրենսդրության պահանջների հետ՝ Տեսչական մարմինը հաստատված է համարում, որ.

1. պարտավոր անձի՝ «ԲԱԴԱ ԲՈՒՄ» սահմանափակ պատասխանատվությամբ ընկերության տնօրեն Հեղինե Մատինյանի, կողմից չեն կատարվել Տեսչական մարմնի ղեկավարի 2021 թվականի մարտի 17-ի թիվ 0092 Կարգադրագրով տրված առաջադրանքները:

2. պարտավոր անձի՝ «ԲԱԴԱ ԲՈՒՄ» սահմանափակ պատասխանատվությամբ ընկերության տնօրեն Հեղինե Մատինյանի (անձնագիր՝ AR0507024, տրված 12.11.2017թ. 057-ի կողմից) կողմից Տեսչական մարմնի ղեկավարի 2021 թվականի մարտի 17-ի թիվ 0092 Կարգադրագրով տրված առաջադրանքները չեն կատարվել նաև Կարգադրագրի պահանջները չկատարելու հետևանքով որպես հարկադրանքի միջոց՝ տուգանք կիրառելու մասին 2022 թվականի փետրվարի 28-ի թիվ 17/3486-2022 գրությամբ տրված նախազգուշացումից հետո:

Վարչական մարմինը, միաժամանակ, «Վարչարարության հիմունքների և վարչական վարույթի մասին» ՀՀ օրենքի 78-րդ հոդվածի համաձայն գտնում է, որ հարկադրանքի տեսակներից տվյալ վարչական վարույթի շրջանակներում կիրառելի է «տուգանք» հարկադրանքի տեսակը, քանի որ հարկադրանքի մյուս տեսակները Տեսչական մարմնի կողմից օրենքով վերապահված լիազորությունների շրջանակներում և վարչական ակտի բնույթով անհնար է կիրառել:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 78-րդ և 79-րդ հոդվածներով, 82-րդ հոդվածի 3-րդ մասով, 85-րդ հոդվածով և ՀՀ վարչապետի 2018 թվականի հունիսի 11-ի N 755-Լ որոշմամբ հաստատված Տեսչական մարմնի կանոնադրության 19-րդ կետի 13-րդ ենթակետով.

ՈՐՈՇՈՒՄ ԵՄ

1. Տեսչական մարմնի ղեկավարի կողմից 2021 թվականի մարտի 17-ի թիվ 0092 Կարգադրագրով տրված առաջադրանքները չկատարելու համար «ԲԱԴԱ ԲՈՒՄ»



108

սահմանափակ պատասխանատվությամբ ընկերության տնօրեն Հեղինե Մատինյանի (անձնագիր՝ AR0507024, տրված 12.11.2017թ. 057-ի կողմից) նկատմամբ, որպես վարչական հարկադրանքի միջոց, կիրառել տուգանք՝ 250000 (երկու հարյուր հիսուն հազար) ՀՀ դրամի չափով:

2. Սույն հրամանը ծանուցել «ԲԱԴԱ ԲՈՒՄ» սահմանափակ պատասխանատվությամբ ընկերության տնօրեն Հեղինե Մատինյանին (հասցեն՝ ՀՀ, Արմավիրի մարզ, համայնք Այգեկ, Երևանյան խճուղի տուն 4):

Շնորհակալություն համագործակցության համար,

ՀՅՈՒՍԻՍԱՅԻՆ ՏԱՐԱԾՔԱՅԻՆ
ԿԵՆՏՐՈՆԻ ՊԵՏ՝



ԱՐՄԱՆ ՈՍԿԱՆՅԱՆ

2022 թվականի հունիսի 13
Վանաձոր

Ծանոթություն՝

Կիրառվող տուգանքի վճարման պետությունից հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:
Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին:

Սույն վարչական ակտն ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:

